



煙輕煙反。翊音翼。華朝化反。下章同。汧。輕  
則經當言涇屬納渭不渭不當先渭而後納。况下  
文即有渭納字不可異。經當從此。傳水北曰  
納

# 漆沮既從

漆。沮。二水名。漆水。寰宇記自耀州同官縣東北界來。經華原縣合沮水。沮水。地志出北地郡直路縣東。今坊州宜君縣西北境也。寰宇記沮水自坊州昇平縣北子午嶺出。俗號子午水。下合榆谷慈馬等川。遂為沮水。至耀州華原縣合漆水。至同州朝邑縣東南入渭。二水相敵。故並言之。既從者。從於渭也。又按地志謂漆水出扶風縣。晁氏曰。此豳之漆也。水

書傳卷二

三五

# 澧水攸同

經漆水出扶風杜陽縣。程氏曰。杜陽。今岐山普潤縣之地。亦漢漆縣之境。其水入渭。在澧水之上。與經序渭水節次釋音沮。千不合。非禹貢之漆水也。釋音余反。

澧水。地志作豐。出扶風鄠縣終南山。今永興軍鄠縣山也。東至咸陽縣入渭。同者。同于渭也。渭水自鳥鼠而東。澧水南注之。涇水北注之。漆沮東北注之。曰。屬白從。曰。同。皆主渭而也。言澧音鄠。郭侯古反。澧水南注之。叙水也。釋音澧音豐。郭之。例如言南入于江。東入于海。皆指水所趨之方而言。此云澧水南注之。涇水北注之。漆沮東北注之。乃指水所自之方而言。按導水章孔傳云。澧水自南。涇水自北。而合加一自字。則於義明矣。澧水在渭南。

涇漆沮  
在渭北

荆岐既旆終南惟子物至于鳥鼠

荆岐二山名荆山在比條之荆地志在馮翊懷德縣南今耀州富平縣掘陵原也岐山地志在扶風美陽縣西北今鳳翔府岐山縣東北十里也終南博物鳥鼠亦皆山名終南山地志古文以太一山為終南山在扶風武功縣今永興軍萬年縣去南五十里也博物地志古文以垂山為博物在扶風武功縣今永興軍武功縣也鳥鼠地志在隴西郡首陽縣西南今渭州渭源縣西也俗呼為青雀山舉三山而不言所治者蒙上旆旆之文也

原隰底績至于碣野

書傳卷二

三六

廣平曰原下濕曰隰詩曰度其隰原即指此也鄭氏曰其地在邠今邠州也碣野地志云武成縣東北有休屠澤古今以為碣野今涼州始臧縣也治水成功自高而下故先言山次原隰次碣野也

釋音

隰音席

入一及

度達各反

休音許虬

孟康注云休音許虬

反屠音除

三危既宅三苗丕叙

三危即舜竄三苗之地或以為燉煌未詳其地三苗之竄在洪水未平之前及是三危已既可居三苗於是大有功叙今按舜竄三苗以其惡之尤甚者遷之而立其次者於舊都今既竄者已不叙而居於舊都者尚桀鰲不服蓋三苗舊都山川險阻氣習使然今湖南

徭洞時猶竊發俘而詢之。釋音燉煌。上徒渾。

多為猶姓。豈其遺種歟。釋音反音如屯聚。

危山。在今沙州燉煌縣東南。山有三峯。故曰三危。驚魚到反。徭音遙。南方蠻洞人也。種之勇反。

### 厥土惟黃壤

黃者土之正色。林氏曰。物得其常性者最貴。雍州之土黃壤。故其田非他州所及。

### 厥田惟上上。厥賦中下

田第一等而賦第六等者。地狹而人功少也。

### 厥貢惟球琳琅玕

書傳卷二

三七

球琳。美玉也。琅玕。石之似珠者。爾雅曰。西北之美者有昆侖虛之球琳。琅玕。今南海有青琅玕。珊瑚屬也。釋音昆侖。即崑崙字。虛。與墟通。音義並與區同。

### 浮于積石。至于龍門。西河會于渭汭

積石。地志在金城郡河關縣西南。羌中。今都州龍支縣界也。龍門山。地志在馮翊夏陽縣。

今河中府龍門縣也。西河。冀之西河也。雍之貢道有二。其東北境則自積石至于西河。其

西南境則會于渭汭。言渭汭不言河者。蒙梁州之文也。他州貢賦亦當不止一道。發此例

以互見耳。按邢怨奏。乞下熙河路。打造船

五百隻。於黃河順流放下。至會州。西小河內。截放。熙河路漕。使李復奏。竊知邢怨欲用此船。載兵順流而下。去取興州契勘會州之西。

小河鹹水其闊不及一丈深止於一二尺豈能載船黃河過會州入韋精山峽險窄自上垂流直下高數十丈船豈可過至西安州之東大河分為六七道散流渭之南山逆流數十里方再合逆溜水淺灘磧不勝舟載此聲若出必為夏國侮笑事遂寢邢怨之策如李復之言可謂謬矣然此言貢賦之路亦曰浮于積石至于龍門西河則古來此處河道固通舟楫矣而復之言乃如釋音羌驢羊反此何也錄之以備參攷云釋音西戎種也鄯上濱反西域國名因為州名見形向反邢怨字和叔鄭州人使去聲李復字覆中閩人溜力救反磧七迹反水渚有石者勝平聲

# 織皮崐崘析支渠搜西戎即叙

書傳卷二

三八

崐崘即河源所出在臨羌析支在河關西千餘里渠搜水經曰河自朔方東轉經渠搜縣故城北蓋近朔方之地也三國皆貢皮衣故以織皮冠之皆西方戎落也以西戎總之即就也雍州水土既平而餘功及於西戎故附于末蘇氏曰青徐揚三州皆萊夷淮夷島夷所籠此三國亦籠織皮但古語有顛倒詳畧爾其文當在厥貢惟球琳琅玕之下浮于積石之上簡編脫誤不可不正愚謂釋音疎鳩臨羌縣名屬金城郡冠古玩反落居也反釋音梁州亦籠織皮按此經文無籠字梁州亦無籠字今言籠者欲因揚州厥籠織貝而例之耳然織貝者織帛為貝文也故可入籠若獸皮毛屬非可入籠者梁州織皮但在厥貢之下別無厥籠之文是梁雍二州自無入

籬之貢也。不可以織。皮爲梁州之籬。又此三國叙在章末貢道之後。與萊夷淮夷島夷之例不同。而織皮二字。又冠國名之上。恐但記此三國以織皮爲俗耳。

導岍及岐至于荆山。逾于河。壺口雷首至于太岳。底柱析城至于王屋。太行恒山至于碣石。入于海。

此下隨山也。岍岐荆三山皆雍州山。岍山地志扶風岍縣西吳山古文以爲汧山。今隴州吳山縣吳嶽山也。周禮雍州山鎮曰嶽山。又按寰宇記隴州汧源有岍山。岍水所出。禹貢所謂岍山也。晁氏以爲今之隴山。天井金門秦嶺山者皆古之岍也。岐荆見雍州壺口雷

首太岳底柱析城王屋太行恒山皆冀州山。壺口太岳碣石見冀州雷首地志在河東郡蒲坂縣南。今河中府河東縣也。底柱石在大河中流。其形如柱。今陝州陝縣三門山是也。析城地志在河東郡漢澤縣西。今澤州陽城縣也。晁氏曰山峯四面如城。王屋地志在河東郡垣縣東北。今絳州垣曲縣也。晁氏曰山狀如屋。太行山地志在河內郡山陽縣西北。今懷州河內也。恒山地志在常山郡上曲陽縣西北。今定州曲陽也。逾者禹自荆山而過于河也。孔氏以爲荆山之脉逾河而爲壺口。雷首者非是。蓋禹之治水隨山刊木。其所表識諸山之名。必其高大可以辨疆域。廣博可以奠民居。故謹而書之。以見其施功之次第。初非有意推其脉絡之所自來。若今之葬法所言也。若必實以山脉言之。則尤見其說之

謬安蓋河北諸山根本脊脉皆自代比寰武  
嵐憲諸州乘高而來其脊以西之水則西流  
以入龍門西河之上流其脊以東之水則東  
流而為桑乾幽冀以入于海其西支為壺  
口太岳次一支包汾晉之源而南出以為折  
城王屋而又西折以為雷首又次一支乃為  
太行又次一支乃為恒山其間各隔心路諸  
川不相連屬豈自岍岐跨河而為是諸山哉  
山之經理者已附于逐州之下於此又條列  
而詳記之而山之經緯皆可見矣王鄭有三  
條四列之名皆為未審今據導字分之以為  
南北二條而江河以為之紀於二之中又分  
為一焉此北條大釋首導大到反後並同岍  
河北境之山也輕煙反底與砥同行  
胡剛反恒汧輕煙反見形旬反下至允見  
胡登反並同坂音反陝失毋反漢漢志

書傳卷二

河東郡漢澤縣師古音烏號反識音志寰胡  
關反嵐盧含反州有岍嵐山故名桑乾音干  
河名出幽州汾音墳心七鶴反水名出上黨  
路音路水名冀州浸也屬音燭三條四列馬  
融王肅云導岍北條西傾中條嶧冢南條鄭  
玄云導岍正陰列西傾次陰列嶧冢次陽列  
岍山正陽  
列當去聲

西傾朱圉鳥鼠至于太華熊耳外方

桐柏至于陪尾

西傾朱圉鳥鼠太華雍州山也熊耳外方桐  
柏陪尾豫州山也西傾見梁州朱圉地志在  
天水郡冀縣南今秦州大潭縣也俗呼為白  
巖山鳥鼠見雍州太華地志在京兆華陰縣

南今華州華陰縣二十里也熊耳在商州上  
洛縣詳見豫州外方地志潁川郡密高縣有  
密高山古文以為外方在今西京登封縣也  
桐柏地志在南陽郡平氏縣東南今唐州桐  
柏縣也陪尾地志江夏郡安陸縣東北有橫  
尾山古文以為陪尾今安州安陸也西傾不  
言導者蒙導岍之文也此  
北條大河南境之山也  
反  
宗字

### 道嶠冢至于荆山內方至于大別

嶠冢即梁州之嶠也山形如冢故謂之嶠冢  
詳見梁州荆山南條荆山地志在南郡臨沮  
縣北今襄陽府南漳縣也內方大別亦山名  
內方地志章山古文以為內方山在江夏郡

書傳卷二

四十一

竟陵縣東北今荆門軍長林縣也左傳吳與  
楚戰楚濟漢而陳自小別至于大別蓋近漢  
之山今漢陽軍漢陽縣北大別山是也地志  
水經云在安豐者非是此南條江漢北境之  
山也  
音  
字本別皮列反  
別字本作別  
音  
直刃反事見定公四年

### 岷山之陽至于衡山過九江至于敷

### 淺原

岷山見梁州衡山南嶽也地志在長沙國湘  
南縣今潭州衡山縣也九江見荆州敷淺原  
地志云豫章郡歷陵縣南有傅易山古文以  
為敷淺原今江州德安縣博陽山也晁氏以  
為在鄱陽者非是今按晁氏以鄱陽有博陽  
山又有歷陵山為應地志歷陵縣之名然鄱



陽漢舊縣地。不應又為歷陵縣。山名偶同。不足據也。江州德安雖為近之。然所謂敷淺原者。其山甚小而卑。亦未見其為在所表見者。惟廬阜在大江彭蠡之交。最高且大。宜所當紀志者。而皆無攷據。恐山川之名古今或異。而傳者未必得其真也。姑俟知者。過經過也。與導岍逾于河之義同。孔氏以為衡山之脉。連延而為敷淺原者。亦非是。蓋岍山之脉。其北一支為衡山。而盡於洞庭之西。其南一支度桂嶺。北經袁筠之地。至德安。所謂敷淺原者。二支之間。湘水間斷。衡山在湘水西南。敷淺原在湘水東北。其非衡山之脉。連延過九江。而為敷淺原者。明甚。且其山川崗脊源流。具在眼前。而古今異說如此。况殘山斷港。歷數千百年者。尚何自取信哉。岍山不言導者。蒙導嶧冢之文也。此南條江漢南境之山也。

**釋音**

**經**

過。古禾古卦二反。陸氏無音。按陸氏於經中過字或音古禾。或音古卦。未詳。

何音為正。何音為借。此章蔡傳云。過經過也。則當為平聲。然世俗相承。多只作去聲讀。於義亦未害。姑兩存之。後過洛納。過。傳易山。絳水過三澨。過九江之類。並同。漢志師。古云傳。音敷。易古陽字。為應去聲。見形向反。上下並同。間去聲。斷徒玩反。

### 道導弱水至于合黎。餘波入于流沙。

此下濬川也。弱水。見雍州合黎。山名。隋地志。在張掖縣西北。亦名羌谷。流沙。杜佑云。在沙州西八十里。其沙隨風流行。故曰流沙。水之。道導者。已附於涿州之下。於此又派別而詳記之。而水之經緯。皆可見矣。濬川之功。自隨山始。故導水。次於導山也。又按山水皆原於

西北故禹叙山叙水皆自西北而東南導山則先岍岐導水則先弱水也

**釋音**

**音**

疏

列反

# 道于黑水至于二危入于南海

黑水地志出犍為郡南廣縣汾關山水經出張掖雞山南至燉煌過三危山南流入于南海者凡海唐樊綽云西夷之水南流于南海者凡四曰區江曰西珥河曰麗水曰瀾諾江皆入于南海其曰麗水者即古之黑水也三危山臨峙其上按梁雍二州西邊皆以黑水為界是黑水自雍之西北而直出梁之西南也中國山勢岡脊大抵皆自西北而來積石西傾岷山岡脊以東之水既入于河漢岷江其岡脊以西之水即為黑水而入于南海地志水

書傳卷二

四十三

經樊氏之說雖未詳的實要是其地也程氏曰樊綽以麗水為黑水者恐其狹小不足為界其所稱西珥河者却與漢志葉榆澤相貫廣處可二十里既足以界別二州其流又正趨南海又漢滇池即葉榆之地武帝初開滇舊時其地古有黑水舊祠夷人不知其籍必不能附會而綽及道元皆謂此澤以榆葉所積得名則其水之黑似榆葉積漬所成且其地乃在蜀之正西又東北距宕昌不遠宕昌即三苗種裔與三苗之叙于三危者又為相應其證驗莫**釋音**犍音虔珥唐志作洱音二此之明也**釋音**彌音彌諾音若此字但見丁度集韻他韻並不收要平聲葉榆漢志益州郡有葉榆澤師古云葉音弋涉反別筆列反滇音顛西南夷池名亦國名篤音髓水名漢武帝置越雋郡言越此水也宕徒浪反應

去聲

導河積石至于龍門南至于華陰東至于底柱又東至于孟津東過洛汭至于大伾北過洛水至于大陸又北播為九河同為逆河入于海

積石龍門見雍州華陰華山之北也底柱見導山孟地名津渡處也杜預云在河內郡河陽縣南今孟州河陽縣也武王師渡孟津者即此今亦名富平津洛汭洛水交流之內在今河南府鞏縣之東洛之入河實在東南河則自西而東過之故曰東過洛汭大伾孔氏

書傳卷二

四十四

曰山再成曰伾張揖以為在成臯鄭玄以為在修武武德臣瓚以為修武武德無此山成臯山又不再成今通利軍黎陽縣臨河有山蓋大伾也按黎陽山在大河垂欲趨北之地故禹記之若成臯之山既非從東折北之地又無險礙如龍門底柱之須疏鑿西去洛汭既已大近東距洛水大陸又為絕遠當以黎陽者為是洛水地志在信都縣今冀州信都縣枯洛渠也程氏曰周時河徙於磔至漢又改向頓丘東南流與禹河迹大相背矣地志魏郡鄴縣有故大河在東北直達于海疑即禹之故河孟康以為王莽河非也古洛瀆自唐貝州經城北入南宮貫穿信都大抵北向而入故河於信都之北為合北過洛水之文當以信都者為是大陸見冀州九河見兗州逆河意以海水逆潮而得名九河既淪于海

則逆河在其下流固不復有矣。河上播而為九。下同而為一。其分播合同。皆水勢之自然。禹特順而導之耳。今按漢西域傳張騫所窮河源。云河有兩源。一出葱嶺。一出于闐于闐。在南山下。其河北流與葱嶺河合。東注蒲昌海。蒲昌海一名鹽澤。去玉門陽關三百餘里。其水停居。冬夏不增減。潛行地中。南出積石。又唐長慶中。薛元鼎使吐蕃。自隴西成紀縣西南出塞二千餘里。得河源於莫賀延積尾。曰悶磨黎山。其中高四下。所謂崑崙也。東北流與積石河相連。河源澄瑩。冬春可涉。下稍合流。色赤。益遠。他水并注。遂濁。吐蕃亦自言崑崙在其國西南。二說恐薛氏為是。河自積石三千里而後。至于龍門。經但一書積石。不言方向。荒遠在所畧也。龍門而下。因其所逕。記其自北而南。則曰南。至華陰。記其自南

而東。則曰東。至厓柱。又詳記其東向所經之地。則曰孟津。曰洛。納。曰大伾。又記其自東而北。則曰北。過洛水。又詳記其北向所經之地。則曰大伾。曰九河。又記其入海之處。則曰河。自洛納而上。河行於山。其地皆可攻。自大伾而下。堰岸高於平地。故決鬻流移。水陸變遷。而洛水大陸。九河逆河。皆難指實。然上求大伾。下得碣石。因其方向。辨其故迹。則猶可考也。其詳悉見上文。○又按李復云。同州韓城北有安國嶺。東西四十餘里。東臨大河。頻河有禹廟。在山斷河出處。禹鑿龍門。起於唐張仁愿所築。東受降城之東。自北而南。至此山盡。兩岸石壁峭立。大河盤束於山峽間。千數百里。至此山開岸闊。豁然奔放。怒氣噴風。聲如萬雷。今按舊說。禹鑿龍門而不詳其所。以鑿誦說相傳。但謂因舊修闢。去其齟齬。以

决水勢而已。今詳此說，則謂受降以東至於龍門，皆是禹新開鑿。若果如此，則禹未鑿時，河之故道不知却在何處，而李氏之學極博，不知此說又何所考也。音瓜二反。辰與砥通。徑，音悲反。又部部。音反。字本作𤑔，或𤑔。濟，孔傳本作降。二縣名，並屬河內郡。瓚，在旱反。又才贊反。註漢書人名，不知其姓。故但稱瓚，或云姓薛。音疏。音疎。鈴，音伶。歷，音佩。穿，音縮。反。復，扶又反。傳，柱。總反。于，音田。西域國名。使去聲。塞，先代反。降，胡江反。去，上聲。翻，音上。壯，呂二反。下，偶許反。齒，不相值也。

嶓冢道漾，東流為漢。又東為滄浪之水，過二澁，至于大別。南入于江，東匯

澤為彭蠡。東為北江，入于海。

書傳卷二

四十六

漾，水名。水經曰：漾水出隴西郡氐道縣嶓冢山，東至武都常璩曰：漢水有兩源，此東源也。即禹貢所謂嶓冢導漾者，其西源出隴西嶓冢山會泉，始源曰沔，逕葭萌入漢。東源在今西縣之西，西源在今三泉縣之東也。酈道元謂東西兩川俱出嶓冢而為漢水者是也。水源發于嶓冢為漾，至武都為漢，又東流為滄浪之水。酈道元云：武都縣北四十里，漢水中有洲曰滄浪洲，水曰滄浪水，是也。蓋水之經歷隨地得名，謂之為者，明非他水也。三澁，水名。今郢州長壽縣磨石山發源，東南流者名澁水。至復州景陵縣界來，又名泔水。疑即三澁之一。然據左傳，漳澁、澁澁，則為水際未可曉也。大別，見導山，入江在今漢陽軍漢陽

縣。匪。迴。也。彭。蠡。見。揚。州。北。江。未。詳。入。海。在。今。通。州。靜。海。縣。○。今。按。彭。蠡。古。今。記。載。皆。謂。今。之。番。陽。然。其。澤。在。江。之。南。去。漢。水。入。江。之。處。已。七。百。餘。里。所。蓄。之。水。則。合。饒。信。徽。撫。吉。贛。南。安。建。昌。臨。江。袁。筠。隆。興。南。康。數。州。之。流。非。自。漢。入。而。為。匯。者。又。其。入。江。之。處。西。則。廬。阜。東。則。湖。口。皆。石。山。峙。立。水。道。狹。甚。不。應。漢。水。入。江。之。後。七。百。餘。里。乃。橫。截。而。南。入。于。番。陽。又。橫。截。而。北。流。為。北。江。且。番。陽。合。數。州。之。流。豬。而。為。澤。泛。溢。壅。遏。初。無。仰。於。江。漢。之。匯。而。後。成。也。不。惟。無。所。仰。於。江。漢。而。來。流。之。積。日。過。月。高。勢。亦。不。復。容。江。漢。之。來。入。矣。今。湖。口。橫。渡。之。處。其。北。則。江。漢。之。濁。流。其。南。則。番。陽。之。清。漲。不。見。所。謂。漢。水。匯。澤。而。為。彭。蠡。者。番。陽。東。之。水。既。出。湖。口。則。依。南。岸。與。大。江。相。持。以。東。又。不。見。所。謂。橫。截。而。為。北。江。者。又。以。經。文。

書傳卷二

考。之。則。今。之。彭。蠡。既。在。大。江。之。南。於。經。則。宜。曰。南。匯。彭。蠡。不。應。曰。東。匯。於。導。江。則。宜。曰。南。會。于。匯。不。應。曰。北。會。于。匯。匯。既。在。南。於。經。則。宜。曰。北。為。北。江。不。應。曰。東。為。北。江。以。今。地。望。參。校。絕。為。反。戾。今。廬。江。之。北。有。所。謂。巢。湖。者。湖。大。而。源。淺。每。歲。四。五。月。間。蜀。嶺。雪。消。大。江。泛。溢。之。時。水。淤。入。湖。至。七。八。月。大。江。水。落。湖。水。方。淺。隨。江。以。東。為。合。東。匯。北。會。之。文。然。番。陽。之。湖。方。五。六。百。里。不。應。舍。此。而。錄。彼。之。文。記。其。小。而。遺。其。大。也。蓋。嘗。以。事。理。情。勢。考。之。洪。水。之。患。惟。河。為。甚。意。當。時。龍。門。九。河。等。處。事。急。民。困。勢。重。役。煩。禹。親。蒞。而。身。督。之。若。江。淮。則。地。偏。水。急。不。待。疏。鑿。固。已。通。行。或。分。遣。官。屬。往。視。亦。可。況。洞。庭。彭。蠡。之。間。乃。三。苗。所。居。水。澤。山。林。深。昧。不。測。彼。方。負。其。險。阻。頑。不。即。工。則。官。屬。之。往。者。亦。未。必。遽。敢。深。入。是。以。但。知。

彭蠡之為澤而不知其非漢水所匯但意如  
 巢湖江水之淤而不知彭蠡之源為甚眾也  
 以此致誤謂之為匯謂之比江無釋音漾餘  
 足怪者然則番陽之為彭蠡信矣釋音亮反  
 浪音郎說文音來宕反滌時制釋音楚嫁反漳  
 反別皮列反匯胡對戶賄二反釋音楚嫁反漳  
 滌見宣公四年遂滌上羽委反見昭公二十  
 三年顛音紺又貢感二音以章貢二水合流  
 名州應平聲下同仰魚向反貨也下同巢鉏  
 交反本作潑廣韻音子小反漢書註在廬江  
 舍肥縣淤依據反  
 舍音捨疏音疎

岷山導江東別為沱又東至于澧過

九江至于東陵東地比會為匯東為

中江入于海

書傳卷二

四八

沱江之別流於梁者也澧水名水經出武陵  
 沱縣西至長沙下雋縣西北入江鄭氏曰經  
 言道言會者水也言至者或山或澤也澧宜  
 山澤之名按下文九江澧水既與其一則非  
 水明矣九江見荆州東陵巴陵也今岳州巴  
 陵縣也地志在廬江西北者非是會匯中江  
 見上釋音禮也移爾反釋音與去  
 章上釋音禮也移爾反釋音與去

導沱水東流為濟入于河溢為滎東  
 出于陶丘北又東至于荷又東北會  
 于汶又北東入于海

沈水濟水也。發源為沈。既東為濟。地志云：濟水出河東郡垣曲縣王屋山東南。今絳州垣曲縣山也。始發源王屋山頂崖下曰沈水。既見而伏東出於今孟州濟源縣二源。東源周迴七百步。其深不測。西源周迴六百八十五步。其深一丈。合流至溫縣。是為濟水。歷虢公臺。西南入于河。溢滿也。復出河之南。溢而為滎。滎即滎波之滎。見豫州。又東出於陶丘北。陶丘地名。再成曰陶。在今廣濟軍西。又東至于荷。荷即荷澤。亦見豫州。謂之至者。濟陰縣自有荷。派濟流至其地。兩汶比汶也。見青州。又東北至于東平府壽張縣安民亭。合汶水。至今青州博興縣入海。唐李賢謂濟自鄭以東貫滑曹鄆濟齊青。以入于海。本朝樂史謂今東平濟南淄川北海界中有水流入海。謂之清河。酈道元謂濟水當王莽之世川瀆枯

竭。其後水流逕通。漑渠勢改。尋梁脉水不與昔同。然則滎澤濟河雖枯。而濟水未嘗絕流也。程氏曰：滎水之為濟。本無他義。濟之入河。適會河滿。溢出南岸。溢出者非濟水。因濟而溢。故禹還以元名命之。按程氏言溢之一字。固為有理。然出於河南者。既非濟水。則禹不應以河枝流而冒稱。為濟。蓋溢者指滎而言。非指河也。且河濁而滎清。則滎之水非河之溢。明矣。况經所書。單立導沈條。例若斷若續。而實有源流。或見或伏。而脉絡可考。先儒皆以濟水性下勁疾。故能入河。穴地流注。顯伏南豐。魯氏齊州二堂記云：泰山之北與齊之東南。諸谷之水。西北匯于黑水之灣。又西北匯于栢崖之灣。而至于渴馬之崖。蓋水之來也衆。其北折而西也悍疾。尤甚。及至于崖下。則泊然而止。而自崖以北。至于歷城之西。蓋



五十里而有泉湧出。高或致數尺。其旁之人  
名之曰趵突之泉。齊人皆謂嘗有彘糠於黑  
水之灣者。而見之於此。蓋泉自渴馬之崖潛  
流地中。而至此復出也。其注而北。則謂之濼  
水。達于清河。以入于海。舟之通於濟者。皆於  
是乎達也。齊多甘泉。其顯名者十數。而色味  
皆同。以余驗之。蓋皆濼水之旁出者也。然則  
水之伏流地中。固多有之。奚獨於榮澤疑哉。  
吳興沈氏亦言古說濟水伏流地中。今歷下  
凡發地。皆是流水。世謂濟水經過其中。今歷下  
亦濟所經。取其井水。莫膠謂之阿膠。用攪濁  
水則清。人服之下。膈疎痰。蓋其水性趨下。清  
而重故也。濟水伏流絕河。乃其物性之  
常。事理之著者。程氏非之。顧弗深考耳。  
沈音允。濟子禮。見形向反。下同。溫縣屬河  
反。榮互尚反。內郡復扶又反。下同。李賢

書傳卷二

五十

高宗章懷太子。註後漢書。滑戶入反。州以滑  
臺得名。秦東郡也。鄭音運。應平聲。○按孔傳  
云。濟水入河。並流十數里。而南截河。又並流  
數里。溢為榮澤。在敦倉東南。孔躡云。以濟清  
河濁辨之也。孔傳所載詳悉。必其當時所見  
如此。悍音旱。泊白各反。安靜也。趵突上音剝。  
足擊聲。下陀沒反。今濟南府城西有碑云。趵  
突泉。土人呼為豹度。蓋字與音皆轉矣。而見  
如字。濼定各反。音與粘同。春秋桓公十八年  
會齊侯于濼。註云。水出濟南歷城縣西北。入  
濟。陸音盧。篤反。又力各  
反。又音洛。過古禾反。

導淮自桐栢。東會于泗沂。東入于海。

水經云。淮水出南陽平氏縣胎簪山。禹只自  
桐栢導之耳。桐栢見導山。泗沂見徐州。沂入

于泗泗入于淮此言會者以二水相敵故也入海在今淮浦

導渭自鳥鼠同穴東會于澧又東會

于涇又東過漆沮入于河

同穴山名地志云鳥鼠山者同穴之枝山也餘並見雍州孔氏曰鳥鼠共為雌雄同穴而處其說怪誕不經不足信也酈道元云渭水出南谷山在鳥鼠山西北禹只自鳥鼠同穴

導之耳 釋音 澧澧音

導洛自熊耳東北會于澗澗又東會

于伊又東北入于河

書傳卷三

五十一

熊耳盧氏之熊耳也餘並見豫州洛水出冢嶺山禹只自熊耳導之耳○按經言嶧冢導

嶧嶧山導江者澧之源出於嶧江之源出於岷故先言山而後言水也言導河積石導淮

自桐栢導渭自鳥鼠同穴導洛自熊耳皆非出於其山持自其山以導之耳故先言水而

後言山也河不言自者河源多伏流積石其見處故言積石而不言自也沈水不言山者

沈水伏流其出非一故不誌其源也弱水黑水謂之入大者九州之外蓋畧之也小水合大

入謂之會天下之水莫大於河故於河不言會此禹貢立

言之法也 釋音 盧氏縣名屬弘農郡見形向反下同合音閭又如字

九州攸同四隩既宅九山刊旅九川

滌源九澤既陂四海會同。

隩隈也。李氏曰：涯內近水為隩。陂障也。會同與離祖會同同義。四海之隩水涯之地已可奠居。九州之山槎水通道已可祭告。九州之川濬滌泉源而無壅遏。九州之澤已有所歸。而無決潰。四海之水無不皆同。而各有歸。此蓋總結上文言九州四海水土無不平治也。

加反。槎斫木也。治去聲。

六府孔修。庶土交正。辰慎財賦。咸則三壤成賦中邦。

書傳卷三

五二

孔大也。水火金木土穀皆大。修治也。土者財之自生。謂之庶土。則非特穀土也。庶土有等。當以肥瘠高下名物。交相正焉。以任土事。底致也。因庶土所出之財而致。謹其財賦之入。如周大司徒以土宜之法。辨十有二土之名物。以任土事之類。咸皆也。則品節之也。九州徒辨十有二壤之名物。以致稼穡之類。中邦中國也。蓋土賦或及於四夷。而田賦則止於中國而已。故曰成賦中邦。

音

音

宜

周禮註十二邦土各有所宜也。壤亦土也。變言耳。

錫土姓。

錫土姓者。言錫之土以立國。錫之姓以立宗。左傳所謂天子建德。因生以賜姓。胙之土而

命之氏釋音昨存故反。說文云祭福肉也。昨者也。

侯。如分祭肉也。

### 祗台德先不距朕行。

台我距違也。高平水土。定土賦。建諸侯治已定。功已成矣。當此之時。惟敬德以先天下。則

天下自不能違。  
釋音台音怡。行釋音以先。先越我之所行也。

### 五百里甸服。百里賦納總。二百里納

### 銍。三百里納結服。四百里粟。五百里

### 米。

甸服畿內之地也。甸由服事也。以皆田賦之事。故謂之甸服。五百里者王城之外四面皆

五百里也。禾本全曰總。刈禾曰銍。半藁也。半藁去皮曰結。謂之服者。三百里內去王城為

近。非惟納總銍結。而又使之服。輸將之事也。獨於結言之者。總前二者而言也。粟穀也。內

百里為最近。故并禾本總賦之。外百里次之。只刈禾半藁納也。外百里又次之。去藁麩皮

納也。外百里為遠。去其穗而納穀。外百里為充遠。去其穀而納米。蓋量其地之遠近。而為

納賦之輕重。精麩也。此分甸  
釋音甸音管。練反。

服五百里而為五等者也。  
釋音總作孔反。

字當作總。禾聚束也。銍步粟反。說文云。穫禾短鎌也。以銍獲禾。即以充賦。因謂之銍。小爾雅云。禾穗謂之穎。截藁去上聲。下去藁去穎。謂之銍。結訖黠反。  
釋音藁去上聲。下去藁去穎。謂之銍。結訖黠反。其並同。內去。如字。量

平聲

五百里侯服。百里采。二百里男邦。三百里諸侯。

侯服者。侯國之服。甸服外四面。又各五百里也。采者。卿大夫邑地。男邦男爵。小國也。諸侯

諸侯之爵。大國次國也。先小國而後大國者。大可以禦外侮。小得以安內附也。此分侯服

五百里而釋音采倉代反。男大夫邑地。漢為三等也。釋音又幽宰反。刑法志註采。官

也。因官食地。故曰采。此言天子之卿大夫也。

五百里綏服。三百里揆文教。二百里

書傳卷二

五十四

奮武衛

綏安也。謂之綏者。漸遠王畿而取撫安之義。侯服外四面。又各五百里也。揆度也。綏服內

取王城千里外。取荒服千里。介於內外之間。故以內三百里揆文教。外二百里奮武衛。文

以治內武。以治外。聖人所以嚴華夏之辨者。如此。此分綏服五百里而為二等也。

釋音度。達各反。介。如字。間。顯也。漢書介居河北。音鼻。

五百里要服。二百里夷。二百里蔡。

要服。去王畿已遠。皆夷狄之地。其文法畧於中國。謂之要者。取要約之義。持羈繫之而已。

綏服外四面。又各五百里也。蔡。放也。左傳云。蔡蔡叔是也。流放罪人於此也。此分要服五

百里而為二等也

釋音

要平聲。蔡素葛反。陸氏於此無音。今蔡傳引蔡蔡叔為證。

則陸氏於左傳音素。羈縻上居宜反。馬絡達反。當從之。韻作縻。頭也。下忙皮反。引牛

綱也。司馬相如難蜀父老文。其義羈縻不絕而已。註云制四夷如牛馬之受羈縻也。唐地理志有

羈縻州

# 五百里荒服。二百里蠻。二百里流。

荒服去王畿益遠而經畧之者視要服為尤畧也。以其荒野故謂之荒服。要服外四面又

各五百里也。流流放罪人之地。蔡與流皆所以處罪人而罪有輕重故地有遠近之別也。

此分荒服五百里而為二等也。○今按每服五百里五服則二千五百里南北東西相距

書傳卷二

五五

五千里故益稷篇言弼成五服至于五千然堯都冀州冀之比境并雲中詠易亦恐無二

千五百里籍使有之亦皆沙漠不毛之地而東南財賦所出則反棄於要荒以地勢考之

殊未可曉但意古今土地盛衰不同當舜之時冀北之地未必荒落如後世耳亦猶閩浙

之間舊為蠻夷淵藪而今富庶繁衍遂為上國土地興廢不可以一時槩也周制九畿曰

侯甸男采衛蠻夷鎮藩每畿亦五百里四方相畿又不在其中併之則一方五千里四方相

距為萬里蓋倍禹服之數也漢地志亦言東西九千里南北一萬三千里先儒皆疑禹服

之狹而周漢地廣或以周服里數皆以方言之或以古今尺有長短或以為禹直方計而後

世以人迹屈曲取之要之皆非的論蓋禹聲教所及則地盡四海而其疆理則止以五服

為制。至荒服之外。又別為區畫。如所謂咸建五長是已。若周漢則盡其地之所至。而疆畫之。釋音別筆列反。并去聲。涿竹角反。上谷郡也。有涿鹿山。因以名州。易夷益反。因水名。州藉慈夜反。猶言借也。關音民。東南越地。繫居代反。要平聲。別皮列反。五長上聲。

東漸于海。西被于流沙。胡南暨聲教

訖于四海。禹錫玄圭。告厥成功。

漸漬。被覆暨及也。地有遠近。故言有淺深也。聲謂風聲。教謂教化。林氏曰。振舉於此。而遠者聞焉。故謂之聲。軌範於此。而遠者效焉。故謂之教。上言五服之制。此言聲教所及。蓋法制有限。而教化無窮也。錫與師錫之。錫同。水土既平。禹以玄圭為贄。而告成功于舜也。水

色黑故圭

釋音漸將覆敷  
廉反

甘誓

甘地名。有扈氏國之南郊也。在扶風鄠縣。誓與禹征苗之誓同義。言其討叛伐罪之意。嚴其坐作。進退之節。所以一衆志。而起其怠也。誓師于甘。故以甘誓名篇。書有六體。誓其一也。今文古文皆有。○按有扈。夏同姓之國。史記曰。啓立有扈。不服。遂滅之。唐孔氏因謂堯舜受禪。扈獨繼父。以是不服。亦臆度之耳。左傳昭公元年。趙孟曰。虞有三苗。夏有觀扈。商有姓邳。周有徐奄。則有扈亦三苗徐奄之類也。釋音扈鄂二字並侯古反。禪時戰反。度達各反。觀去聲。又平聲。

左傳陸音館觀國在衛頓丘漢志云即東郡畔觀縣音工喚反姚陸音西典西禮二反韻又疏縻反商諸侯邳貧悲反商諸侯今下邳縣也奄衣檢衣廉二反

# 大戰于甘乃召六卿

六卿六卿之卿也按周禮卿大夫每鄉卿一人六卿六卿平居無事則各掌其鄉之政教禁令而屬於大司徒有事出征則各率其鄉之一萬二千五百人而屬於大司馬所謂軍將皆卿者是也意夏制亦如此古者四方有變專責之方伯方伯不能討然後天子親征之天子之兵有征無戰今啓既親率六軍以出而又書大戰于甘則有扈之怙強給惡敢與天子抗衡豈特孟子所謂六師移之者書曰大戰蓋所以深著有扈不臣之罪而為天

書傳卷二

五七

下後世諸侯之戒也釋傳司馬云凡制軍萬有二千五百人為軍王六軍大國三軍次國二軍小國一軍軍將皆命卿總忍甚一反著涉慮反明也

# 王曰嗟六事之人予誓言告汝

重其事故嗟歎而告之六事者非但六卿有事於六軍者皆是也

# 有扈氏威侮五行怠棄三正天用勦

# 絕其命今予惟恭行天之罰

威暴殄之也侮輕忽之也鯀汨五行而殛死况於威侮之者乎三正子五寅之正也夏正建寅怠棄者不用正朔也有扈氏暴殄天物輕忽不敬廢棄正朔虐下背上獲罪于天天



用勦絕其命。今我伐之，惟欲行天之罰而已。今按此章，則三正迭建，其來不久矣。舜協時月，正日，亦所以一正朔也。子丑釋音勦字當作之建。唐虞之前，當已有之。釋音勦字當作絕也。說文云：書古文作劓。今文作劓。今本皆作勦。案說文勦勞也。於此蓋以不通蓋篆文刀力相似而傳釋音皆音寫之誤也。

左不攻于左，汝不恭命。右不攻于右，

汝不恭命。御非其馬之正，汝不恭命。

左車左，右車右也。攻治也。士口者車戰之法。甲士三人，一居左以主射，一居右以主擊刺。御者居中以主馬之馳驅也。左傳宣公十二年：楚許伯御樂伯，攝叔為右，以致晉師。樂伯曰：

書傳卷二

五十八

吾聞致師者，左射以策，是去甲左主射也。攝叔曰：吾聞致師者，右入壘折馘，執俘而還，是車右主擊刺也。御非其馬之正，猶王良所謂說遇也。蓋左右不治其事，與御非其馬之正，皆足以致敗。故各指其人，以責其釋音治平聲。事而欲各盡其職，而不敢忽也。釋音射食亦反。刺七賜反，直殺也。馘，側鳩反。左傳註矢之善者，折馘上之列反。下右獲反，斃首也。還音旋。

用命賞于祖，不用命戮于社。予則孥

戮汝。

戮殺也。禮曰：天子巡狩，以遷廟，主行左，傳軍行被社，鼙鼓，然則天子親征，必載其遷廟之

主與其社主以行以示賞戮之不敢專也。祖左陽也。故賞于祖。社右陰也。故戮于社。孥子也。孥戮與上戮字同義。言若不用命。不但戮及汝身。將併汝妻子而戮之。戰危事也。不重其法。則無以整肅其衆。而使赴功也。或曰。戮辱也。孥戮猶秋官司厲孥男子以爲罪。隸之孥。古人以辱爲戮。謂戮辱之以爲孥耳。古者罰弗及嗣。孥戮之刑。非三代之所宜有也。按此說。固爲有理。然以上句考之。不應一戮而二義。蓋罰弗及嗣者。常刑也。予則孥戮者。非常刑也。常刑則愛克厥威。非常刑則威克厥愛。盤庚遷都。尚有剝殄滅之無遺育之語。則啓之誓師。釋音社常者反。音被敷勿反。祭也。豈爲過哉。釋孥音奴。音見宣公四年。孥男子。周禮司厲云。其奴男子入于罪隸。女子入于春臺。註謂坐爲盜賊而爲奴者。輸於罪

隸春人稟人之官也。引此書爲證。但孥字作奴。應平聲。

### 五子之歌

五子。太康之弟也。歌與帝舜作歌之歌同義。今文無。古文有。

太康尸位以逸。豫滅厥德。黎民咸貳。乃盤遊無度。畋于有洛之表。十旬弗

反。

太康啓之子。尸如祭祀之尸。謂居其位而不爲其事。如古人所謂尸祿尸官者也。豫樂也。夏諺曰。吾王不遊。吾何以休。吾王不豫。吾何以助。一遊一豫。爲諸侯度。夏之先王。非不遊。

豫蓋有其節皆所以為民非若太康以逸豫而滅其德也民咸貳心而太康猶不知悔乃安於遊畋之無度言其遠則至于洛水之南言其久則十旬而弗反是則太康自棄其國矣

**釋音** 樂音洛為民上去聲

### 有窮后羿因民弗忍距于河

窮國名羿窮國君之名也或曰羿善射者之名賈逵說文羿帝嘗射官故其後善射者皆謂之羿有窮之君亦善射故以羿目之也羿因民不堪命距太康于河北使不得返遂廢之

**釋音** 羿研計反

### 厥弟五人御其母以從後于洛之汭

書傳卷二

六十

### 五子咸怨述大禹之戒以作歌

御侍也怨如孟子所謂小弁之怨親親也小弁之詩父子之怨五子之歌兄弟之怨親之過大而不怨是愈疏也五子知宗廟社稷危亡之不可救母子兄弟離散之不可保憂愁鬱悒慷慨感厲情不自已發為詩歌推其亡國敗家之由皆原於荒棄皇祖之訓雖其五章之間非盡述皇祖之戒然其先後終始互相發明史臣以其作歌之意序於五章之首後世序詩者每篇皆有小序以言其作詩之義其原蓋出諸此

**釋音** 從如字

弁蒲官反悒音邑

### 其一曰皇祖有訓民可近不可下民

廿

惟邦本。本固邦寧。

此禹之訓也。皇大也。君之與民。以勢而言。則尊卑之分。如霄壤之不作。以情而言。則相親則合。以其親。故謂之近。以其疎。故謂之下。言其可親。而不可疎之也。且民者國之本。本固而後國安。本既不固。則雖強如秦。富如隋。終亦滅亡而已矣。其一。或長。其二。或長。勿之序。或作歌之序。不可知也。

**傳** 分扶問反。長上聲。

**釋音** 近。巨。斬反。

予視天下。愚夫愚婦。一能勝予。一人

三失。怨豈在明。不見是圖。予臨兆民。

書傳卷二

六十一

凜乎若朽索之馭六馬。為人上者。奈

何不敬。

予五子自稱也。君失人心。則為獨夫。獨夫則愚夫愚婦。一能勝我矣。三失者。言所失眾也。民心怨背。豈待其彰著而後知之。當於事幾未形之時。而圖之也。朽索。易絕。六馬。易驚。朽索固非可以馭馬也。以喻其危懼。可畏之甚。為人上者。奈何而不敬乎。前既引禹之訓言。此則以己之不足。付。**釋音** 見形。旬反。民之可畏者。申結其義也。**釋音** 索音各反。

馭與。背音佩。御同。幾音機。

其二曰。訓有之。內作色。荒。外作禽。荒。

甘酒嗜音。峻宇彫牆。有一於此。未或不亡。

比亦禹之訓也。色荒惑壁寵也。禽荒耽遊畋也。荒者迷亂之謂。甘嗜皆無厭也。峻高大也。字棟字也。彫繪飾也。言六者有其一皆足以致滅亡也。禹之訓昭明如此而太康獨不念之乎。此章首尾意義已明。故不復申結之也。  
睨都舍反。厭於蓋反。復扶又反。

其三曰。惟彼陶唐。有此冀方。今失厥道。亂其紀綱。乃底滅亡。

書傳卷二

六十二

堯初為唐侯。後為天子。都陶。故曰陶唐。堯授舜。舜授禹。皆都冀州。言冀方者。舉中以包外也。大者為綱。小者為紀。底致也。堯舜禹相授道。以有天下。今太康失其道。而紊亂其紀綱。以致滅亡也。又按左氏所引。惟彼陶唐之下。有帥彼天常一語。厥道作其行。乃底滅亡。作乃釋。帥音率。行。胡孟反。見左傳哀公六年。

其四曰。明明我祖。萬邦之君。有典有則。貽厥子孫。關石和鈞。王府則有。墜厥緒。覆宗絕祀。

明明。明而又明也。我祖。禹也。典。猶周之六典也。猶周之八則。所以治天下之典章法度也。

貽遺關通和平也百二十斤為石三十斤為鈞鈞與石五權之最重者也關通以見彼此通同無折閱之意和乎以見人情兩平無乖爭之意言禹以明明之德君臨天下與則法度所以貽後世者如此至於鈞石之設所以一天下之輕重而立民信者王府亦有之其為子孫後世慮可謂詳且遠矣奈何太康荒墜其緒覆其宗而絕其祀乎○又按法度之制始於權權與物鈞而生衡衡運生規規圓生矩矩方生繩繩直生準是權衡者又法度之所自出也故

**音讀**

覆芳六反後不盡

**音讀** 折

列反為去聲

其五曰嗚呼曷歸予懷之悲萬姓仇

書傳卷二

六三

予予將疇依鬱陶乎予心顏厚有怵怩弗慎厥德雖悔可追

曷何也嗚呼曷歸歎息無地之可歸也予將疇依彷徨無人之可依也為君至此亦可哀矣仇予之予指太康也指太康而謂之予者不忍斥言忠厚之至也鬱陶哀思也顏厚愧之見於色也怵怩愧之發於心也追言不可追也

**釋音**

怵女六反

**釋音**

彷徨音旁皇思去聲見形向反

### 胤征

胤國名孟子曰征者上伐下也此以征名實即誓也仲康丁有夏中衰之運弄

執國政社稷安危在其掌握而仲康能  
命胤侯以掌六師胤侯能承仲康以討  
有罪是雖未能行羿不道之誅明義和  
黨惡之罪然當國命中絕之際而能舉  
師伐罪猶為禮樂征伐之自天子出也  
夫子所以錄其書者以是歟今文無古  
文有。或曰蘇氏以為羲和貢於羿忠  
於夏者故羿假仲康之命命胤侯征之  
今按篇首言仲康肇位四海胤侯命掌  
六師又曰胤侯承王命征詳其文意  
蓋史臣善仲康能命將遣師胤侯能承  
命致討未見貶仲康不能制命而罪胤  
侯之為專征也若果為篡羿之書則胤  
臣賊子所為孔子亦取之為後世法乎  
**釋音** 將去聲篡初患反接夏都安邑在  
河之北太康立十九年為羿所逐

書傳卷二

遂居河南之陽夏宋開封府之太康縣  
也二十九年崩弟仲康立觀肇位四海  
之語則諸侯猶宗之為君也十四年崩  
子相立羿但據河北冀州之地不臣於  
夏而已未嘗執夏之政柄也故五子作  
歌但以冀方為言羿亦好遊田其臣寒  
浞弑之而篡其位及夏后相自河南遷  
河北帝丘在位二十八年方為浞之子  
所滅夏遂中絕者四十年而少康復興  
史記夏本紀畧而不書故解者皆未詳  
考羲和之黨羿與否亦不可知然胤侯  
誓師之辭詳明嚴正荒酒廢職亦自當  
致討也

惟仲康肇位四海胤侯命掌六師羲

和廢厥職酒荒于厥邑胤后承王命

徂征

仲康太康之弟胤侯胤國之侯命掌六師命為大司馬也仲康始即位即命胤侯以掌六師次年方有征羲和之命必本始而言者蓋史臣善仲康肇位之時已能收其兵權故羲和之征猶能自天子出也林氏曰羿廢太康而立仲康然其篡也乃在相之世仲康不為羿所篡至其子相然後見篡是則仲康猶有以制之也羿之立仲康也方將執其禮樂征伐之權以號令天下而仲康即位之始即能命胤侯掌六師以收其兵權如漢文帝入自代邸即皇帝位夜拜宋昌為衛將軍鎮撫南北軍之類羲和之罪雖曰沉亂于酒然黨惡

書傳卷三

六三

於羿同惡相濟故胤侯承王命往征之以翦羿羽翼故終仲康之世羿不得以逞使仲康盡失其權則羿之篡夏豈待相而後敢耶羲氏和氏復合為一官曰胤后者諸侯入為王朝公卿如禹稷  
**釋音**  
相去聲邱典禮  
**釋音**  
反朝馳遙反  
伯夷謂之后也

告于衆曰嗟予有衆聖有謨訓明徵定保先王克謹天戒臣人克有常憲

百官修輔厥后惟明明

徵驗保安也聖人謨訓明有徵驗可以定安邦國也下文即謨訓之語天戒日蝕之類謹者恐懼修省以消變異也常憲者奉法修職以供乃事也君能謹天戒於上臣能有常憲



於下。百官之衆。各修其職。以輔其君。故君內無失德。外無失政。此其所以爲明明也。又按日蝕者。君弱臣強之象。后羿專政之戒也。義和掌日月之官。黨羿而不言。足可救正。

**釋音** 徵。知陵反。此字無聲。音以避宋諱代之耳。井反。

每歲孟春。道人以木鐸徇于路。官師相規。工執藝事以諫。其或不恭。邦有

常刑

道人。宣令之官。木鐸。金口木舌。施政教時。振以警衆也。周禮小宰之職。正歲帥治官之屬。徇以木鐸。曰不用法者。國有常刑。亦此意也。官以職言。師以道言。規。正也。相規云者。胥教

書傳卷一

六六

誨也。工。百工也。百工技藝之事。至理存焉。理無往而不在。故言無微而可畧也。孟子曰。責難於君。謂之恭。官師百工不能規諫。是謂不恭。不恭之罪。猶有常刑。而况於畔官離次。傲擾天紀。者乎。

**釋音** 道。慈秋反。鐸。待各反。徇。松潤反。率。治平聲。

惟時義和顛覆厥德。沈亂于酒。畔官離次。傲擾天紀。遐棄厥司。乃季秋月朔。辰弗集于房。瞽奏鼓。嗇夫馳。庶人走。羲和尸厥官。罔聞知。昏迷于天象。以干先王之誅。政典曰。先時者殺無

# 赦不及時者殺無赦

次位也官以職言次以位言辟官則亂其所治之職離次則舍其所居之位倣始擾亂也天紀則洪範所謂歲月日星辰曆數是也蓋自堯舜命羲和曆象日月星辰之後為羲和者世守其職未嘗紊亂至是始亂其天紀焉遐遠也遠棄其所司之事也辰日月會次之名房所次之宿也集漢書作輯集輯通用言日月會次不相和輯而掩蝕於房宿也按唐志日蝕在仲康即位之五年警樂官以其無日而審於音也秦進也古者日蝕則伐鼓用幣以救之春秋傳曰惟正陽之月則然餘則否今季秋而行此禮夏禮與周異也晉大夫禮也漢有上林晉夫庶人庶人之在官者周禮庭氏救日之弓矢裔夫庶人蓋供救日之

書傳卷二

六十七

百役者曰駢曰走者以見日蝕之變天子恐懼于上嗇夫庶人奔走于下以助救日如此其急義和為曆象之官尸居其位若無聞知刑而已哉政典先王政治之典籍也先時後時皆違制失時當誅而不赦者也今日蝕之變如此而羲和罔聞知是

**釋音** 倣昌六反治平聲舍音捨宿音秀下同日先見反日蝕在五年傳言仲康即位次年征羲和而此引唐志又云五年方日蝕然以經文筆位二子觀之當從前說經世書亦云次年供音恭見形旬反政治去聲後時上胡茂反

## 今予以爾有眾奉將天罰爾眾士同

力王室尚弼予欽承天子威命

將行也。我以爾眾士奉行天罰爾其同力王室。庶幾輔我以敬承天子之威命也。蓋天子討而不伐，諸侯伐而不討，仲康之命胤侯得天子討罪之權，胤侯之征義和，得諸侯敵愾之義。其辭直，其義明，非若五霸摟諸侯以伐，諸侯其辭曲，其義迂也。  
**釋音** 愾，口反。摟，音樓。迂，雲俱反。

火炎崐岡，玉石俱焚。天吏逸德，烈于猛火。殲厥渠魁，脅從罔治。舊染汙俗，咸與惟新。

書傳卷三

二八

崐，出玉山名。岡，山脊也。逸，過也。渠，大也。言火炎有過，逸之德，不擇人之善惡而焚之。苟為天吏，而甚於猛火，不辨玉石也。今我但誅首惡之魁而已。脅從之黨，則罔治之。舊染汙習之人，亦皆赦而新之。其誅惡宥善，是猶王者之師也。今接胤征，始稱義和之罪，止以其畔官。辭次做擾天紀，至是有脅從舊染之語，則知義和之罪，當不止於廢時亂日，是必聚不逞之人。崇飲私邑，以為亂黨，助羿為惡者也。胤后征，隱其畔，逆而不言者，蓋正名其罪，則必鉤根除源，而仲康之勢有未足以制后羿者。故止責其曠職之罪，而殲其渠魁，將廉反。脅，虛業實誅其不臣之心也。  
**釋音** 殲，將廉反。脅，虛業音烏。

嗚呼。威克厥愛允濟。愛克厥威允罔功。其爾衆士懋心戒哉。

威者嚴明之謂。愛者姑息之謂。記曰。軍旅主威。蓋軍法不可以不嚴。嚴明勝則信。其事之必濟。姑息勝則信其功之無成。誓師之末而復。嗟歎以是深警之。欲其勉力戒懼而用命也。

釋音

復扶

又反

書卷之二

書傳卷二

六九

